

CONVENIO DE COLABORACIÓN ENTRE O INSTITUTO GALEGO DE PROMOCIÓN ECONÓMICA (IGAPE) E A ASOCIACIÓN CLUSTER NAVAL DE GALICIA PARA A ORGANIZACIÓN CONXUNTA DE ACTIVIDADES NA FEIRA NAVALIA 2018

MEMORIA XUSTIFICATIVA

O Xerente IGAPE IP do Instituto Galego de Promoción Económica (IGAPE), **DECLARA:**

Que este Ente ten previsto formalizar ASOCIACIÓN CLUSTER NAVAL DE GALICIA (ACLUNAGA), o instrumento convencional arriba referido por un período de vixencia que abrangue dende o dende o día da súa sinatura ata o 31 de decembro de 2018.

Que o instrumento convencional ten por obxecto:

A organización conxunta con ACLUNAGA de actividades no seo da feira Navalia 2018 co fin de achegar as empresas galegas a potenciais clientes internacionais e mellorar a formación dos directivos das mesmas. As actividades serán:

- *“ACLUNAGA Summit”: unha xornada de conferencias sobre cuestións de interese para o sector.*
- *Misión inversa de empresas de diversos países.*

Que existe converxencia de intereses entre as entidades asinantes en orden á consecución do obxecto referido.

Que o instrumento convencional que se pretende asinar se fundamenta no seguinte:

Un dos obxectivos do IGAPE neste período de programación de actividades é a capacitación sectorial nos sectores estratéxicos de Galicia, así coma a mellora das exportacións. Esta actividade ten encaixe no Plan Estratéxico do IGAPE, no que se prevén cinco grandes eixos de impulso á competitividade da actividade económica de Galicia para os vindeiros anos: capitalización e crecemento, desenvolvemento de persoas e organizacións, emprendemento, internacionalización e equilibrio territorial. Na acción que, formando parte do Plan, é obxecto deste convenio, o IGAPE prevé a organización de actividades conxuntas co cluster naval de Galicia na principal feira sectorial galega: Navalia 2018.

ACLUNAGA representa ao Sector da Industria Marítima de Galicia, é unha asociación empresarial sen ánimo de lucro con personalidade xurídica propia e con plena capacidade de obrar. Segundo o artigo 5º dos seus estatutos, constitúese con obxecto de lograr a unión e integración de todos os axentes da industria naval e marítima galega, co obxectivo de mellorar a súa competitividade e o fomento da cultura marítima galega. Deste xeito, ACLUNAGA é a única asociación empresarial específica do sector naval en Galicia, e todas as actividades empresariais que interveñen nun proxecto de construción naval están representadas.

ACLUNAGA ten entre os seus fins a promoción do diálogo horizontal e transversal entre as empresas a través de foros, comités e reunións de traballo que aborden todos os temas de alta prioridade que afectan o sector. Tamén é o seu obxectivo a internacionalización do sector naval galego.

Así, ACLUNAGA é o espazo de encontro de todo o sector naval e marítimo galego e a entidade que integra os seus intereses, promovendo a colaboración no sector co obxecto de incorporar valor engadido ao produto en todas as fases do seu desenvolvemento, e axudando aos seus socios a desenvolver novos merca-dos.

NAVALIA, International Shipbuilding and Maritime Industry Exhibition é unha feira especializada na construción naval onde se dan cita as empresas e profesionais vinculados a este sector para mostrar os seus produtos e servizos. Os fabricantes e distribuidores de material, maquinaria e tecnoloxía para a construción naval, as empresas especializadas en servizos marítimos e de enxeñería, os armadores e a industria auxiliar teñen en Navalia unha oportunidade de negocio e de intercambio de información. É a primeira feira de España e do sur de Europa no seu sector, e combina a exhibición con xornadas de traballo, xornadas técnicas e máis de 40 relatorios cada ano.

Celébrase con periodicidade bienal dende 2006, polo que a de 2018, que se celebrará en Vigo do 22 ao 24 de maio, é a súa 7ª edición. Este evento conta co recoñecemento de feira comercial de internacionalidade completa concedido polo Goberno de España. Para este ano 2018, dito recoñecemento aparece no B.O.E do 29 de decembro de 2017.

As cifras acadadas na última feira de 2016 dan idea da magnitude do evento e da importancia que ten para o sector naval galego, xa que contou con máis de 25.000 visitantes, 500 expositores de 750 empresas procedentes de 90 países de todo o mundo, xerándose negocios por valor de máis de 5.000 millóns de euros.

As actividades do convenio coinciden plenamente coas que ven desenvolvendo habitualmente ACLUNAGA. Só unha representatividade adecuada, xunto coa presenza na totalidade da cadea de valor asegura unha axeitada colaboración, a permeabilidade das accións formativas e o aproveitamento pleno da presenza de representantes de empresas internacionais na feira Navalia. Xustifícase así a imposibilidade de promover a concorrência pública, que coincide con vantaxes e sinerxías así como a axeitada dinámica e axilidade para o IGAPE ao manter unha relación colaborativa fluída, eficiente e sinérxica cun só actor.

Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados na Lei 9/2017, de 8 de novembro, de Contratos do Sector Público, pola que se transpñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, de 26 de febreiro de 2014, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

E para que conste, asínase esta memoria, en Santiago de Compostela.